

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Directorium Constantiense**

**Marisburgo, 1612**

Declaratio praecedentis tabulae

[urn:nbn:de:bsz:31-133086](https://nbn-resolving.org/urn:nbn:de:bsz:31-133086)

DECLARATIO PRAE-  
CEDENTIS TABVLAE.



*I*n Perpetuum scire velis, quota  
erit Tabula, habita littera Dominicali  
& Epacta anni cuius Tabulam quaeris  
ex precedenti Tabula temporaria,  
vel ex Tabulis perpetuis Calendarii Gregoriani post  
annum 1712. quare in hac Tabella computi perpetua  
Epactam tui anni, qua inuenta, quare litteram Do-  
minicalem tunc currentem, qua primo infra ipsam  
epactam occurrerit & e directo eius inuenies nume-  
rum Tabulae, tam pro anno quam pro Aduentu, qua  
uti debebis.

*Exemplum.* Anno 1612. Epacta erit 8. & lite-  
ra Dominicalis F. Illa Epacta 8. est in linea 16. Epac-  
tarum huius Tabella, numerando ab Epacta 23. &  
prima littera F. quae occurrerit infra ipsam Epactam  
8. est in linea 17. litterarum Dominicalium, e directo  
cuius reperies 17. in cellula Tabularum per annum,  
& 5. in cellula Tabularum Aduentum. Tabula igitur  
17. seruiet ab octaua Epiphaniae exclusiue vsq; ad Ad-  
uentum, a quo recitandum erit de Regula 5. Aduen-  
tus vsq; ad Octauam Epiphaniae inclusiue.

Si vero littera Dominicalis concurrat cum Epacta,  
id est, si e directo Epactae currentis inueniatur, relicta  
illa littera concurrente, assumenda est, eadem littera

Domi-

Dominicalis proximo inferior, ut si concurrat cum litera D. sequens D. & sic de aliis. Ut anno 1615. Epacta erit 1. & litera Dominicalis D. qua in Tabella reperitur è regione Epactæ 1. Quare neglecta D. concurrente, sumenda erit sequens litera D. è cuius dicto habetur Tabula, 29. qua inferuiet dicto anno 1615. usq; ad Aduentum & pro Aduentu Tabula 3. Et sic de cæteris annis communibus.

In anno autem Bissextili quia sunt duæ literæ Dominicales prior sumenda est, & è directo illius inuenies Tabellam de qua dicitur à 14. die Ianuarii, usq; ad 23. diem Februarii. A die verò sequenti (quæ in Bissextili erit 24.) recitabitur per tabulam præcedentem. Si verò Epacta concurrat cum litera Dominicali siue priori siue posteriori, tunc omisissis literis Dominicalibus concurrentibus, sumenda erant literæ Dominicales inferius proximè sequentes.

Exempli gratia. Anno 1612 est Epacta 27. & literæ Dominicales, A. G. ex quibus A. est prior, quam è directo Epactæ 27. reperies. Item anno 1656. Epacta erit 4. & literæ Dominicales B. A. ex quibus A. est posterior, quam è directo Epactæ 4. reperies. Quia verò literæ Dominicales cum Epactis concurrentes sumi non possunt, ideo assumenda sunt literæ Dominicales sequentes. Ut potè anno 1612. relicta litera A. concurrente, sequentes literæ Dominicales A. G. è quarum regione reperies Tabulam 33. & 32. & anno 1656. relicta itidem litera A. concurrere sequen-

tes literæ Dominicales B. A. equarū regione habetur Tabula 27. & 26. Anno autem 1616. erunt literæ Dominicales C. B. & Epacta 12. quam reperies in cellula Epactarum linea 12. At quia illa Epacta cum neutra literarum Dominicalium concurrat, sumenda sunt literæ Dominicales C. B. Epactam proximè sequentes, quæ sunt in linea 13. & 14. literarū Dominicalium & Tabularum. Sive igitur Epacta concurrat cum literis Dominicalibus sive non, cum priore Tabula seu Regula semper in anno Bissextili recitandum est usq; ad diem 23. Februarii inclusivè, qua die fieri debet de Dominica festo vel feria occurrente sive Vigilia.

A die verò sequenti, quæ in anno Bissextili erit 24. recitabitur de Tabula vel Regula posteriore, ipsiusq; 33. Februarii diè, usq; ad finem mensis, qui semper in anno Bissextili habet 29. dies, postponēdo semper unam diem, ita ut 24. die regule posterioris fiat de 23. 25. vero de 24. 26. de 25. & 27. de 26. 28. de 27. & ultima die de 28. die regule prioris. De ipsa autem Tabula posteriore recitatur usq; ad Adventum, & deinceps de Tabula Adventus è regione ipsius Tabule posterioris per annum occurrentis.

Si verò festum Cathedrae S. Petri cadens in diem 22. Februarii, transferri contingat in diem 23. tunc in anno Bissextili die 24. Februarii non fit de festo in priori Tabula Sabbatho celebrato, sed de feria si in

Quadra-

*Quadragesimam vel Vigilia si ante Quadragesimam  
inciderit dies 23. posterioris ad 24. prioris Tabula.*

*Exempli gratia. Si in anno Bissextili recitandum  
sit cum Tabula secunda vsq. ad 23. diem Februarii,  
tunc ipsa 23. die fit totum officium de Dominica eti-  
am in Vesperis. & die 24. de 23. Februarii, Tabule  
1. quia verò festum Cathedrae in 2. Tabula Sabbatho  
celebratum in prima Tabula propter Dominicam  
translatum fuit in feriam secundam, idcò 24. Feb.  
fit de feria suae commemoratione Vigilia nisi in  
Missis & 25. Feb. celebratur festum S. Matthiae &  
consequenter vsq. ad diem 29. Feb. ut in 1. Tabula  
notatur.*

*Vt autem Epacta 23. non concurrat cum litera  
D. prima, posita est extra ordinem ceterarum Epac-  
tarum in superiore loco seu cellula, ita eo anno quo  
Epacta erit 23. & D. erit litera Dominicalis reci-  
tandum erit cum Regula prima.*

SEQUITVR CALEN-  
DARIVM.

Romano Constantiense, ad quod se-  
quens directorium perpetu-  
um est ordina-  
tum.